

- ego vigore meo, nutrioque herbas cunctas, conversus in suc  
 14. cum, qui saporem iis impertit. Ego in ignem conversus,  
 animalium corpore diffusus, cum anima, quam ducunt vel  
 15. efflant, coniunctus, quatuor generum cibum concoquo. Et  
 cuiusque ego cordi insideo: ex me est memoria, scientia ac  
 ratiocinium: in librisque sacris universis ego sum et cognos-  
 cendus, et doctrinae theologicae auctor, itidem librorum sa-  
 16. crorum interpret. Duo hi Genii in mundo *exstant*, tum  
 dividuus, tum individuus: dividuus est animantium universi-  
 17. tas; individuus in fastigio collocatus dicitur. *Praeter hos*  
 autem est alius GENIUS supremus, summi spiritus nomine de-  
 signatus, qui, mundo tergemino penetrato, eum sustentat,  
 18. incorruptibilis, princeps. Quia dividuum ego *exsupero*, ac  
 prae individuo etiam excello, ideo per orbem et in libris sa-  
 19. cris celebratus fui GENII SUPREMI nomine. Qui, errorum  
 immunis, talem me cognoscit Genium supremum, is, uni-  
 versitatis rerum gnarus, me colit omni vitae ratione, o Bhâ-  
 20. rata. Sic maxime arcanum praeceptum hoc a me declaratum  
 est, vir innocue. Hoc intellecto, sapiens aliquis fiat, atque  
 omni negotio defunctus, o Bhârata.

## LECTIO XVI.

ALMUM NUMEN *loquitur*:

1. Securitas, ingenii sui lustratio, in scientiae destinatione  
perseverantia, largitudo, temperantia et religio, pia medita-
2. tia, castimonia, rectitudo, innocentia, veritas, irae se-  
datio, liberalitas, calumniarum repudiatio, benevolentia erga  
animantes, alienus a lascivia animus, mansuetudo, pudor,
3. constantia, vigor, patientia, firmitas, puritas, nullum